

आकाशवाणी

खास-खास खबरां

1. प्रधानमंत्री नरेन्द्र मोदी अज्जै थमां त्रंऊ दिने दे गुजरात दौरे पर अज्ज "सोमनाथ स्वाभिमान पर्व" दे इलावा ओह केई आध्यात्मिक आयोजनें च हिस्सा लै करदे ना।
2. "विकसित भारत युवा नेता संवाद" अज्ज नमीं दिल्ली शुरु होआ। युवा मामले दे मंत्री मनसुख मांडविया होरें आखेया जे एह मंच राष्ट्रनिर्माण च नौजवानें गी शामिल करने दी सरकार दी वचनबद्धता गी दर्शादा ऐ।
3. "विश्व पुस्तक मेला" नमीं दिल्ली च शुरु- 9 दिनें दे इस आयोजन च 35 मुल्ले दे 9 ज्हार कोला मते प्रकाशक हिस्सा लै करदे ना।
4. दुनिया दे केई नेताएं- ईरान च जारी राश्ट्रव्यापी विरोध-प्रदर्शन दौरान- प्रदर्शनकारियें पर कारवाई दी निंदेया कीती ऐ।
5. "परीक्षा-पे-चर्चा 2026" लेई 4 करोड़ लोकें आसेया नां दर्ज कराने दे कन्नै गै इस आयोजन दा नमां गिनीज़ रकार्ड कायम होई गया ऐ।
6. मौसम विभाग नै उत्तर-भारत दे ज्यादातर राज्यें दे इलावा मुल्ले दे होर केई हिस्सें च औंदे किश दिनें दौरान घनी धुंध दी पेशनगोई कीती ऐ।

<><><><><><>

PM -Guj Visit

प्रधानमंत्री नरेन्द्र मोदी अज्जै थमां गुजरात दी त्र'उं दिनें दी जात्तरा पर ना। मोदी होर संजा लै हुनै कोला किश चिर पैहले जित्थे उन्दा शानदार ते निग्गा सुआगत कीता गया। रातीं 8 बजे उन्दा सोमनाथ मंदर च ड्रोन शो दिक्खने दा बी कार्यक्रम ऐ। । प्रधानमंत्री होर कल ऐतवारें शौर्य जात्तरा च बी हिस्सा लैडन। एह जात्तरा सोमनाथ मंदरै दी राक्खी लेई अपनी जिंदु दा बलिदान देने आहले अनगिनत योद्धाएं दे सम्मान च आयोजित कीती जा रदी ऐ। मोदी होर सोमनाथ मंदरै च दर्शन ते पूजा अर्चना करडन। प्रधानमंत्री सोमनाथ स्वाभिमान पर्व च बी हिस्सा लैगन। एहदे परैन्त, प्रधानमंत्री होर राजकोट जाडन ते कच्छ ते सौराष्ट्र लेई आयोजित वाइब्रेंट गुजरात क्षेत्रीय सम्मेलन च शामिल होडन। मोदी होर इस सम्मेलन च इक बपार मेले ते प्रदर्शनी दा उद्घाटन बी करडन। एहदे मगरा प्रधानमंत्री होर राजकोट थमां अहमदाबाद लेई रवाना होडन ते सेक्टर 10एं थमां महात्मा मंदरै धोड़ी अहमदाबाद मेट्रो दे दुए चरण दे बाकी रौहदे हिस्सा दा बी उद्घाटन करडन।

<><><><><><>

Somnath

गुजरात दे पैहले ज्योतिलिंग उप्पर आयोजित सोमनाथ स्वाभिमान पर्व इक आध्यात्मिक संगम गै नैई सगुआं भारत दे प्राचीन विज्ञान ज्ञान दा बी उत्सव ऐ। एह पर्व विनाश दे चेतें च नैई सगुआं राष्ट्र दी अटूट श्रद्धा ते सांस्कृतिक संकल्प गी प्रदर्शित करने लेई आयोजित कीता गेदा ऐ।

<><><><><><>

Young Leaders Dialogues

युवा मामले ते खेड्ड मंत्री मनसुख मांडविया होरें अज्ज गलाया ऐ जे देश दे भविक्ख गी आकार देने च युवायें दी अहम भूमिका लोडचदी ऐ। नमीं दिल्ली च आयोजित विकसित भारत युवा नेता संवाद-2026 दे उदघाटन समारोह गी सम्बोधित करदे होई मांडविया होरें गलाया जे एह संवाद नौजवान नेताएं गी प्रोद्योगिकी- उद्यमिता- शासन- स्थिरता ते सामाजिक विकास जनेह क्षेत्रें च हल पेश करने लेई प्रोत्साहित करदा ऐ। मंत्री होरें आखेया जे एह संवाद 2047 तगर विकसित भारत दे निर्माण लेई नौजवानें दी प्रतिभा ते रचनात्मकता गी पंछानने दी इक

प्रक्रिया ऐ। युवा नेता संवाद दे महत्व उप्पर लौऽ पांदे होई मांडविया होरें गलाया जे एह मंच राष्ट्र निर्माण च नौजवानें दी योग्यता गी सक्रिय तौरा उप्पर शामिल करने दी सरकार दी वचनबद्धता गी दर्शादा ऐ। इस मौके उप्पर बोलदे होई राष्ट्रीय सुरक्षा सलाहकार अजीत डोवाल होरें नौजवानें गी विकसत भारत दा नेता बनने लेई- फैसले लैने दी क्षमता गी विकसत करने दा आग्रह कीता। उनें गलाया जे इक नेता बनने लेई सब्भनें शा बड़ी ताकत सेई फैसला लैना ऐ। कल थमां शुरु होए दा त्रंऊ रोजा एह कार्यक्रम इस महीने दी 12 तरीक सम्पन्न होई जाग। प्रधानमंत्री नरेन्द्र मोदी होर विकसित भारत युवा नेता संवाद 2026 च अतरु संगारे हिस्सा लैगंन। अज्ज अपने इक सोशल मीडिया पोस्ट च मोदी होरें आखेया जे मुख्बे दी युवा शक्ति-जबरदस्त जोश ते उत्साह कन्नै राष्ट्र दी तरक्की ते विकास च योगदान देने लेई तयार ऐ ते नौजवानें कन्नै मिलने गितै ते विकसित भारत युवा नेता संवाद च हिस्सा लैने गी ओ बड़ी बेसब्री कन्नै बलगा करदे न।

<><><><><><>

World Book Fair

नमीं दिल्ली “विश्व पुस्तक मेला 2026” दा 53मां संस्करण अज्ज राष्ट्र राजधानी च शुरु होआ। नौ दिनें दे इस मेले च 35 शा मते मुख्बे दे इक ज्हार शा मते प्रकाशकें गी किट्टे आनेया जा रदा ऐ। इस कार्यक्रम दा उदघाटन केन्द्री शिक्षा मंत्री धर्मेन्द्र प्रधान होरें कीता। अपने सम्बोधन दौरान प्रधान होरें आखेया जे कताबां ज्ञान दियां वाहक हुंदियां न- जेहडियां पीढी-दर पीढी गी आपू च जोडदियां न। सभ्याताएं गी सांभियै रखदियां न ते समाज दा मार्ग-दर्शन करदियां न। उनें इस पुस्तक मेले दी सराहान करदे होई आखेया जे एह देसै दी पढने-लिखने आली संस्कृति दा सब्भनें शा बड्डा सार्वजनिक उत्सव ऐ। इस बरे नमीं दिल्ली विश्व पुस्तक मेले दा विषे सार ऐ- “भारती सेना दा इतिहास वीरता ते बुद्धि @75”।

<><><><><><>

World Leaders -Iran

वैश्विक नेताएं- ईरान च प्रदर्शनकारियें पर होई दी हिंसक कारवाई दी कड़ी निंदेया कीती ऐ। इक सांझे ब्यान च आस्ट्रेलिया- कैनेडा ते यूरोपीय संघ दे विदेश मंत्रियें- ईरान दे लोकें आसेया दस्सी गेदी दलेरी दी सराहना कीती ऐ- सरकार गी गुजारिश कीती ऐ जे ओह प्रदर्शनकारियें पर हिंसक कारवाई करना बंद करै ते शांतिपूर्ण वरोध-प्रदर्शन दे अधिकार दा सम्मान करै। वरोध-प्रदर्शन ईरान दे केई क्षेत्रें च जारी न- जेहदे करी भारी मात्रा च सुरक्षाबलें दी तैनाती कीती गई ऐ। ईरान नै मुख्ब भरै च इंटरनेट पर बी रोक लाई दिती ऐ- जेहदे कन्नै कनेक्टिविटी तकरीबन इक फीसदी तगर घट्ट होई गई ऐ।

<><><><><><>

Chancellor

जर्मनी दे चांसलर Friedrich Merz होर 12 जनवरी शा दंऊ दिनें दे भारत दौरे उप्पर होगंन। मंत्रालय मुजब गुजरात दे अपने दौरे च श्री मर्ज होरें साबरमती आश्रम जागंन जित्थे ओह अंतराष्ट्रीय पतंग महोत्सव च हिस्सा लैगंन। श्री मर्ज महात्मा मंदिर च प्रधानमंत्री नरेन्द्र मोदी हुंदे कन्नै प्रतिनिधिमंड स्तर गी गल्लबात बी करंगंन। मर्ज हुंदी इस यात्रा करी दौनें मुख्बे बश्कार रणनीतिक सांझेदारी दे होर सशक्त होने दी मेद ऐ जेहदे राएं आर्थिक तकनीकी ते लोकें बश्कार राबता बनाने दे क्षेत्र च सहयोग गी होर मजबूती मिलोग।

<><><><><><>

World Hindi Day

अज्ज विश्व हिंदी दिवस ऐ। हर बरे 10 जनवरी गी मनाए जाने आहले इस ध्याडे दा मुख्ब मकसद कुल संसारी सतह पर हिंदी भाषा दे प्रचार-प्रसार ते संस्कृति गी बढावा देना ऐ। एहदी शुरुआत 1975 च पैहले विश्व हिंदी सम्मेलन दे नागपुर च आयोजन दे चेतें च होई ही- जिसी 2006 च भारत नै विश्व हिंदी दिवस दे रूपै च मनाने दी अधिकारिक घोषणा कीती ही। राष्ट्रपति द्रौपदी मुरमू- उपराष्ट्रपति सी.पी. राधा कृष्णन ते प्रधानमंत्री नरेन्द्र मोदी होरें इस मौके हिंदी प्रेमियें गी शुभकामनां दिंदे होई इस भाषा दे प्रचार प्रसार लेई होर मते जतनें दा आहवान कीता ऐ। इस मौके अज्ज भारत दे इलावा बाहरले केई मुख्बे च बी विशेष कार्यक्रमें दा आयोजन कीता गया।

<><><><><><>

CJI

मुख्य न्यायधीश Justice Suryakant होरें आखेया ऐ जे वकीलें गी अज्जै-कल्लै दियें तकनीकें गी अपनाणा लोडचदा- कीजे अपराधें दे बदलदे स्वरुप दे चलदे न्यायपालिका च इंदा इस्तेमाल तेजिया कन्नै बधा रदा ऐ। प्रधान न्यायधीश होरें मकामी न्यायिक परिसर च Hansi Bar एसोसिएशन आसेया आयोजित सम्मान समारोह च न्यायिक अफसरें ते वकीलें कन्नै गल्लबात करा रदे हे।

<><><><><><>

Parl Budget Session

संसद दा बजट आहला इजलास इस महीने दी 28 तरीक गी शुरु होइयै 2 अप्रैल धोडी चलोगा। इस बारे जानकारी सांझी करदे होई संसदी कार्ज मंत्री किरें रिजिजू होरें सोशल मीडिया पर दस्सेया जे बजट इजलास दा पैहला गेड 28 जनवरी गी शुरु होग ते 13 फरवरी गी खत्म होग- जिसलै जे दूआ गेड 9 मार्च गी शुरु होइयै 2 अप्रैल गी मुक्कोग। रिजिजू होरें दसेया ऐ जे राष्ट्रपति होरें दौनें सदनं दा सत्र सदनं दी मंजूरी देई दिती ऐ।

<><><><><><>

CDS -Op Sindoor

प्रमुख रक्षा अध्यक्ष जनरल अनिल चौहान होरें आखेया ऐ जे पाकिस्तान नै आप्रेशन सिंदूर दे बाद अपने फौजी ते संवैधानिक ढांचे च तेजिया कन्नै बदलाव करियै- इस संघर्ष दौरान सामने आई दी अपनियें कमियें गी स्वीकार करी लैता ऐ। पुणे लोक नीति उत्सव गी सम्बोधित करदे होई सी.डी.एस चौहान होरें आखेया जे पिच्छले बरे अप्रैल महीने पैहलगाम च होए दे आतंकी हमले दे बाद शुरु कीता गेदा आप्रेशन सिंदूर अजें खत्म नैई होआ ऐ- इसी छडा रोकेया गेदा ऐ। उनें आखेया जे आप्रेशन सिंदूर नै पाकिस्तान गी संवैधानिक तरमीमें लेई मजबूर करी दिता ते उसी अपने संविधान दी दफा 243 च तरमीम करियै Joint Chiefs of Staff कमेटी दे अध्यक्ष दे ओहदे गी खत्म करियै- ओहदी थाहर Chief of Defence Forces दा नमां ओहदा त्यार करने पर मजबूर होना पेया ऐ। एहदे नै ज्यादातर इख्तयार इक्के आदमी तगर महदूद होई गेना।

<><><><><><>

Pareksha Pe Charcha

“परीक्षा-पे-चर्चा 2026” लेई 4 करोड कोला मते ऑनलाईन प्रतिभागियें नै अपना नां दर्ज कराया ऐ। एह गिनतरी पिच्छले बरे दे त्रै करोड 50 लख कोला मते दे गिनीज़ वल्ड रिकार्ड गी बी पार करी गई ऐ। केन्द्री शिक्षा मंत्री धर्मेन्द्र प्रधान होरें इक सोशल मीडिया पोस्ट च आखेया ऐ कि “परीक्षा पे चर्चा” इक राष्ट्र व्यापी आंदोलन बनी गेदा ऐ- जेहदा उद्देश्य नौजवानें ते बच्चें गी मतेहानें दे डर ते दबाव कोला मुक्त बनाना ऐ। उनें सब्भनें विद्यार्थियें अग्गे आह्वान कीता ऐ जे ओ “परीक्षा-पे-चर्चा 2026” च पूरी सक्रियता कन्नै हिस्सा लैन। उनें आखेया जे मतेहानें दे दिन कोल आवा करदे न ते विद्यार्थी प्रधानमंत्री हुंदे आत्मविश्वास- एकाग्रता- ते कल्याण पर दिते गेदे सुझाएं दी मदद कन्नै अपने मनै चा मतेहानें दा डर ते तनाव दूर करी सकदे न।

<><><><><><>

Drone –Arms

पाकिस्तान शा ड्रोन राएं सुट्टी गेदी हथियारें दी खेप गी साम्बा जिले च अंतराष्ट्रीय बन्ने दे कोल इक अगेत्रे इलाके शा बरामद कीता गया ऐ। एहदे च दो-पिस्तोला- त्रै-मैगज़ीना- 16 रौंद ते इक ग्रेनेड शामिल हा। औन्दे गणतंत्र दिवस समारोह दौरान कुसा बी किस्म दी आतंकी वारदात गी नाकामयाब बनाने दे मद्देनजर एह कारवाई कीती गई। बी.एस.एफ ते जम्मू-कश्मीर पुलस दे विशेष अभियान समूह एस.ओ.जी दी इक सांझी टीम नै शुक्रवार रातीं बन्ने पारा थमां ड्रोन दी संदिग्ध गतिविधि दी सूह थोने मगरा घगवाल दे पलोरा गां च तलाशी अभियान चलाया। इस दौरान इक नाले दे कंडे शा इक पैकेट मिलेया- जिसी खोलने उप्पर हथियार बरामद होए।

<><><><><><>

Weather

मौसम विभाग नै अज्ज राजस्थानकराईकल च घनी शा बडी घनी धुंध दी पेशनगोई करदे -पुडुचेरी-तमिनाडू -
-उत्तराखंड-प्रदेश-होई अलर्ट जारी कीता ऐ। मौसम विभाग नै हिमाचलहरियाणा-प्रदेश-मध्य -दिल्ली -चंडीगढ़-
1 पश्चिम बंगाल ते पूर्वोत्तर दे किश हिस्सें च इस महीने दी -बिहार3 तरीख तगर घनी धुंध दी पेशनगोई कीती ऐ।
तोंआई केन्द्र शासत प्रदेश जम्मू कश्मीर च-बी ठंडू दा प्रकोप बरोबर जारी ऐ मौसम विभाग दी जानकारी मुजब
घट्टोघट्ट तापमान- च अज्ज होर गिरावट दर्ज कीती गई ऐ। उआं कल्लै थमां तापमान च इक कोला डिग्री तगर 2
जनवरी तगर मौसम आमतौरा पर खुशक रौहने दी पेशनगोई 21 दा बाद्दा होई सकने दी मेद दस्सी गई ऐ। तोंआई
3 पैहले गै मैहकमे आसेया कीती जाई चुकी दी ऐ। जम्मू प्रांतै च अगले-दिनें दौरान 4 घनी धुंध पौने दे असार दस्से
गेन। इस बारे जानकारी दिंदे होई मौसम विभाग दे डरैक्टर मुख्तार अहमद होरें आक्खेया ऐ कि लोकें गी ठंडू
कोला बचाव लेई ते कन्नै धुंध दौरान बाहर जाने ते गड्डी चलांदे होई मती एहतियात बरतनी लोडचदी।

<><><><><><>

Highway Winter Attraction

भद्रवाह-पठानकोट जरनैली सिडक इनें दिनें सैलानियें लेई आकर्षण दा केन्द्र बनी दी ऐ ते सैकड़ां बद्दे सैलानी
मुल्लखे दे बक्ख-बक्ख हिस्सें थमां इत्थे ताजा बर्फबारी दा नंद लैने गितै आवा करदे न। बर्फू नै खटोए दे पहाड़-
इक कोला बदियै इक खूबसूरत कुदरती नजारें-बर्फू पर होने आहले मनोरंजन ते खेडु गतिविधियां लोकें गी
आकर्षत करै करदियां न। सैलानियें दी सुरक्षा गी यकीनी बनाने लेई जम्मू-कश्मीर पुलसै दा एस.ओ.जी समूह
बडे मते कठन मौसमी हालात दे बावजूद उत्थे 24 घंटे तैनात अपनी जिम्मेदारी निभा करदा ऐ। लोकें दी मती
गिनतरी च उत्थे औने करी मकामी लोक ते निक्का मुट्टा समेयान बेचने आहलें बी मते खुश न- कीजे उंदी औंदन
बी बधै करदी ऐ ते बाहरा औने आहलें सैलानियें दी परोहना-चारी दा मौका बी उनेंगी थहोआ करदा ऐ।

<><><><><><>